

ՊԱՏՎԱՍՏՈՒՄԸ ԳՈՐԾՆԱԿԱՆՈՒՄ

Ե՞րբ պատվաստել իմ երեխային:

Երեխային 11 տարեկանից պատվաստելիս պատվաստանյութն առավել արդյունավետ է:

Եթե իմ երեխան.

- 11-14 տարեկան է, անհրաժեշտ է պատվաստանյութի 2 դեղաչափ,
- 15-26 տարեկան է (բաց թողնված), անհրաժեշտ է 2 դեղաչափ.

Կարևոր է իմանալ: Օգտվե՛ք պատվաստման այցից՝ 11-13 տարեկանում նախատեսված ԱԿԴՓ (dTcaP)* կրկնապատվաստումը կամ 11-14 տարեկանում նախատեսված մենինգոկոկային վարակների դեմ պատվաստումը կատարելու համար, և նույն այցի ընթացքում ստացե՛ք նաև ՄՊՎ-ի (ՀՊՎ) դեմ պատվաստանյութի դեղաչափերից մեկը:

* դիֆթերիայի, փայտացման, կապույտ հազի, պոլիոմիելիտի դեմ պատվաստուկ:

Ինչպե՞ս պատվաստել իմ երեխային:

Թե՛ աղջիկներին, թե՛ տղաներին պատվաստելու համար ես դիմում եմ.

- բժշկի
- դեղագործի
- մանկաբարձուհու
- բուժքրոջը (բուժեղբորը)
- համայնքային կամ դեպարտամենտային պատվաստման կենտրոն (տեղեկացե՛ք ձեր քաղաքապետարանից կամ դեպարտամենտի խորհրդից):

Ինչպիսի՞ կողմնակի ազդեցություններ կարող են լինել:

Կլինիկական հետազոտությունների ընթացքում առավել հաճախ արձանագրված կողմնակի ազդեցությունները նույնն են, ինչ մյուս պատվաստանյութերի դեպքում՝ ներարկման հատվածում տեղային ռեակցիաներ (կարմրություն, ցավ և/կամ բորբոքում), գլխացավ, գլխապտույտ կամ ջերմություն, իսկ ավելի հազվադեպ՝ ալերգիկ ռեակցիաներ կամ ինքնազգացողության վատացում՝ գիտակցության հնարավոր կորստով:

Այս կողմնակի ազդեցությունները սովորաբար լինում են թեթև կամ միջին ծանրության և կարճատև:

Որքա՞ն արժե ՄՊՎ (ՀՊՎ)-ի դեմ պատվաստումը:

- Պատվաստանյութի յուրաքանչյուր դեղաչափի արժեքի 65 %-ը փոխհատուցում է ձեր բժշկական ապահովագրության դրամարկը: Մնացած գումարը կարող է փոխհատուցվել լրացուցիչ բժշկական ապահովագրության (Mutuelle) կողմից:
- Որոշ քաղաքային կամ դեպարտամենտային պատվաստման կենտրոններում պատվաստումը կարող է լինել անվճար:
- Համերաշխության լրացուցիչ բժշկական ապահովագրության (CSS) կամ պետական բժշկական օգնության (AME) ապահովագրության շահառուների համար պատվաստումն անվճար է:

ԱՊԱՀՈՎ ԵՎ ԱՐԴՅՈՒՆԱՎԵՏ ՊԱՏՎԱՍՏՈՒՄ՝

ԻՄ ԵՐԵԽԱՅԻՆ ՄՊՎ (HPV) ՔԱՂՑԿԵՂՆԵՐԻՑ ՊԱՇՏՊԱՆԵԼՈՒ ՀԱՄԱՐ:

**ՁԵՐ ԵՐԵԽԱՆ ՍՈՎՈՐՈՒՄ Է ՔՈԼԵԶԻ 5-ՐԴ
ԴԱՍԱՐԱՆՈՒՄ, ՁԵՐ ՀԱՄՁԱՅՆՈՒԹՅԱՄԲ**

- նա կարող է պատվաստվել քոլեջում՝ բուժաշխատողի կողմից:
- նա կստանա պատվաստանյութի 2 դեղաչափ՝ 5-13 ամիս ընդմիջումով
- դուք որևէ վճարում չեք կատարի:

ՀՊՎ-ի դեմ պատվաստումը կարող է կատարվել միաժամանակ մենինգոկոկային վարակների դեմ պատվաստման հետ, որը նույնպես անվճար իրականացվում է քոլեջում:

Մինչ օրս, ավելի քան 100 միլիոն երեխաներ և դեռահասներ պատվաստվել են աշխարհի շուրջ 80 երկրներում:

Լրացուցիչ տեղեկությունների համար դիմե՛ք ձեր բժշկին կամ այլ առողջապահության մասնագետին կամ այցելե՛ք **vaccination-hpv.cancer.fr** կայքը:



ՊԱՏՎԱՍՏՈՒՄ ՄՊՎ (ՀՊՎ) ՔԱՂՑԿԵՂՆԵՐԻ ԴԵՄ*

ՊԱՇՏՊԱՆԵՆՔ
ԱՂԶԻԿՆԵՐԻՆ ՈՒ
ՏՂԱՆԵՐԻՆ՝
ՍԿՍԱԾ 11
ՏԱՐԵԿԱՆԻՑ:



ՊՐԱԿՏԻԿ
ՈՒՂԵՑՈՒՅՑ

*HPV : Human Papillomavirus կամ Մարդու պապիլոմավիրուս

ԵՍ ՏԵՂԵԿԱՆՈՒՄ ԵՄ ՄՊՎ ՔԱՂՑԿԵՂՆԵՐԻ ԴԵՄ ՊԱՏՎԱՍՏՄԱՆ ՄԱՍԻՆ

Ինչո՞ւ պատվաստել իմ երեխային:

Այսօր ՄՊՎ-ի դեմ պատվաստումը կանխում է քաղցկեղների առաջացման պատճառ հանդիսացող ՀՊՎ վարակների մինչև 90 %-ը:

Այն խորհուրդ է տրվում աղջիկներին և տղաներին՝ կանխելու համար՝

- արգանդի վզիկի, բունոցի, հեշտոցի և հետանցքի նախաքաղցկեղային ախտահարումները և/կամ քաղցկեղները,
- բարորակ, սակայն ցավոտ ախտահարումները, որոնք առաջանում են հետանցքի և սեռական օրգանների մաշկի կամ լորձաթաղանթների վրա (անոգենիտալ գորտնուկներ):

ԱՊԱՀՈՎ ՈՒ ԱՐԴՅՈՒՆԱՎԵՏ ՊԱՏՎԱՍՏՈՒՄ

Ավելի քան 15 տարի է, ինչ ողջ աշխարհում կիրառվել է ավելի քան 300 միլիոն դեղաչափ:

Իրականացվում է խիստ միջազգային հսկողություն:.

ՄՊՎ-ի դեմ պատվաստանյութերի լայն կիրառումը, բազմաթիվ երկրներում և միջազգային մակարդակով մշտական հսկողությունը, ինչպես նաև հատուկ հետազոտությունների արդյունքները հաստատել են դրանց անվտանգության գերազանց մակարդակը, որը ճանաչված է Առողջապահության համաշխարհային կազմակերպության (ԱՀԿ) կողմից:

Այսպիսով, օրինակ, ՄՊՎ-ի դեմ պատվաստանյութերի և աուտոիմուն հիվանդությունների միջև որևէ կապ չի ապացուցվել:

ՄՊՎ-ի դեմ պատվաստման արդյունավետությունը հաստատվել է այն երկրներում, որտեղ պատվաստված երիտասարդների թիվը բարձր է, օրինակ՝ Ավստրալիայում, որտեղ արձանագրվել է արգանդի վզիկի քաղցկեղի, նախաքաղցկեղային ախտահարումների և անոգենիտալ գորտնուկների դեպքերի զգալի նվազում ինչպես կանանց, այնպես էլ տղամարդկանց շրջանում:

ԵՍ ՏԵՂԵԿԱՆՈՒՄ ԵՄ ՄԱՐԴՈՒ ՊԱՊԻԼՈՄԱՎԻՐՈՒՍՆԵՐԻ ՄԱՍԻՆ

Ի՞նչ են ՄՊՎ-ները (HPV):

Կանանց և տղամարդկանց շուրջ 80 %-ը կյանքի ընթացքում ենթարկվում է այս վիրուսների ազդեցությանը: ՄՊՎ-ով վարակները սովորաբար անհետանում են մի քանի ամսվա ընթացքում, սակայն դեպքերի փոքր մասում դրանք կարող են պահպանվել և վերածվել հիվանդության:

Ի՞նչ կապ կա ՄՊՎ-ների և քաղցկեղների միջև:

Գոյություն ունի ՄՊՎ-ի մոտ 200 տեսակ, որոնցից որոշները կարող են առաջացնել նախաքաղցկեղային ախտահարումներ և քաղցկեղ: ՄՊՎ-ները առաջացնում են նաև անոգենիտալ գորտնուկներ:

ԱՄԵՆ ՏԱՐԻ ՖՐԱՆՍԻԱՌԻՄ ՄԱՐԴՈՒ ՊԱՊԻԼՈՄԱՎԻՐՈՒՍՆԵՐԻ ՊԱՏՃԱՌՈՎ ԳՐԱՆՑՎՈՒՄ Է ՔԱՂՑԿԵՂԻ 7 130 ՆՈՐ ԴԵՊԶ

Թեև ՄՊՎ-ի հետ կապված քաղցկեղները հիմնականում հանդիպում են կանանց մոտ, դրանց գրեթե 30 %-ը ախտահարում է տղամարդկանց:

Ֆրանսիայում կանանց և տղամարդկանց շրջանում ՄՊՎ-ով պայմանավորված հիվանդությունների թիվը (քաղցկեղների վերաբերյալ՝ ըստ Ֆրանսիայի քաղցկեղի ռեգիստրների (2018 թ.), իսկ նախաքաղցկեղային ախտահարումների և անոգենիտալ գորտնուկների վերաբերյալ՝ ըստ Շիելո և համահեղինակների (2015 թ.):

	ՏՐԱՄԱՐԴԻԿ	ԿԱՆԱՅՔ
Առնանդամի քաղցկեղ/ Բունոցի և հեշտոցի քաղցկեղ	120	250
Հետանցքի քաղցկեղ	450	1 400
Բերանըմպանային հատվածի, կոկորդի և բերանի խոռոչի քաղցկեղ	1 530	480
Արգանդի վզիկի քաղցկեղ	—	2 900
Բունոցի, հեշտոցի և հետանցքի նախաքաղցկեղային ախտահարումներ	130	մոտ 2 500 à 3 000
Արգանդի վզիկի նախաքաղցկեղային ախտահարումներ (CIN 2+)	—	մոտ 30 000
Անոգենիտալ գորտնուկներ	մոտ 50 000	մոտ 50 000